



Eth CETEI contunhe en tot formar 34 joenes promeses des espòrts d'iuèrn

Eth **Centre de Tecnificacion d'Espòrts d'Iuèrn dera Val d'Aran (CETEI)** desvolòpe damb succès era activitat esportiuapendent ua sason mès gràcies ath supòrt deth **Conselh**, era **Deputacion** de Lhèida, **Baqueira Beret** e eth **Conselh Superior d'Espòrts (CSD)**.

Es programes formatius d'esportistes de Pre-Tecnificacion ena Val d'Aran compden actuauments damb **21 esquiadors ena categoria d'esquí aupin**, **5 esportistes ena d'snowboard**, **5 ena de freeride** e **3 ena disciplina emergent de freestyle**.

Eth CETEI ei **restacat ara Reiau Federacion Espanhòla d'Espòrts d'Iuèrn (RFEDI) e ara Federacion Catalana d'Espòrts d'Iuèrn (FCEH)**, e a coma principau objectiu ajudar ena progression de joenes promeses e velhar pera sua formacion integráu mejançant ua formacion tecnica/esportiu e academica, ath delà d'un seguiment medicau/psicologic entà garantir un estat de salut adaptat entara practica esportiu e ua gessuda professionau de futur.

Eth **Vicesindic d'Aran e Conselhèr d'Espòrts deth Conselh, Luís Carlos Medina**, a manifestat que "eth supòrt dera Deputacion de Lhèida, amassa damb eth dera rèsta d'institucions, arrespon as esfòrci que hè eth Conselh Generau d'Aran pes programes de Tecnificacion e Pre-Tecnificacion deth CETEI Val d'Aran, e represente un impuls entà que es joeni esportistes poguen alimentar es prumèras equipes des diferents modalitats esportiuas e arribar a hèr concurrència, coma en d'auti viatges, en uns Jòcs Olimpics e Paralimpics d'iuèrn".

IMATGE: CONSELH GENERAU D'ARAN

Informa:
Clara Villar

07/02/2018

Galeria:



[ESPORTS](#)